




ՇԻՐԱԿԱՅ ԹԵՄԻՆ ՄԵՐ ՀՈՎՈՒԱՊԵՏԱԿԱՆ ԱՆԴՐԱՆԻԿ
ԱՅՑԵԼՈՐԹԵԱՆ ԱԻԱՐՏԻՆ, ՍՈՒՐԲ ԷԶՄԻԱԾՆԻ
ՈՒԽՏԱՎԱՅՐԻ ՕԶԱԽԻՅ ԱՂՕԹՔ ԵՄ ՎԵՐԱՌԱՔՈՒՄ
ԱՌ ԲԱՐՁՐԵԱԼՆ ԱՍՏՈՒԱԾ

«Բարերար և բազումողորմ Աստուած, հալցում եմ Քեզանից, որ սիրոյ, լոյսի և հաւատքի ապրումներով լցնես սրտերն ու հոգիները Շիրակի տարածաշրջանում ապրող Քո հայկեան ցեղի զաւակներին, համայն արանց և կանանց, ծերոց և տղայոց, որք եմ ի նեղութեան իրենց տների աւերման, աշխատանոցների քանդման, վիրաւորուած կամ հիւանդ լինելու, գործազուրկ մնացած լինելու և այլ կարիքների պատճառներով:

Զօրացուր մեր հոգևորականներին և պետական ու քաղաքային իշխանութեան սպասաւորներին, ժողովրդի բոլոր խաւերին և դասակարգերին, յատկապէս դպրոցական երեխաներին և նրանց ուսուցիչներին, աշխատող մարդկանց, հիւանդներին, որբերին, վիրաւորներին, վաճառականներին, հողագործներին, արհեստաւորներին և արուեստագէտներին ու մտաւորականներին, հաստատութիւններին և կազմակերպութիւններին, որպէսզի կարողանան փութով վերականգնել իրենց անհատական, ընտանեկան և համայնական կեանքը և ի սպառ բուժել բոլոր վերքերը երկրաշարժի պատճառած աղէտի:

Տէ՛ր, շնորհեա՛ւ ամենեցուն զերկնային իմաստութիւն և զհոգեւոր արիւթիւն վասն պատերազմին կենաց ըստ Առաքելոյն Սրբոյն Պօղոսի (Բ. Տիմ. Դ. 7) զի կարող լինիցին բարոք ընթանալ և զպսակն ժառանգել ի փառս Ամենակալին Աստուծոյ, ի շինութիւն ազգիս Հայոց, և ի պայծառութիւն Եկեղեցւոյս Հայաստանեայց և ի բարօրութիւն Շիրակայ Տիրախնամ թեմին. ամէն»:

ԳԱՐԵԳԻՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
10 մայիս 1995 թ.